

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
KANTONALNI SUD U GORAŽDU
Broj: 005-0-Su-22-000023

IZVJEŠTAJ
o radu Kantonalnog suda u Goraždu za 2021.godinu

Goražde, februar 2022.godine

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
KANTONALNI SUD U GORAŽDU
Broj: 05-0- Su-22-000023
Goražde, 09.02.2022. godine

**IZVJEŠTAJ O RADU KANTONALNOG SUDA U GORAŽDU
za period od 01.01.2021.do 31.12.2021. godine**

Zakonom o sudovima u Federaciji Bosne i Hercegovine ("Službene novine F BiH" broj 38/05 do 85/21) koji je stupio na snagu 12.07.2005. godine uređena je organizacija , stvarna i mjesna nadležnost, finansiranje , pravosudna uprava i drugi odnosi značajni za funkcionisanje sudova. Odredbom člana 25. ovog Zakona propisano je da se Kantonalni sud u Goraždu osniva za područje Bosansko-podrinjskog kantona Goražde sa stvarnom nadležnosti iz člana 28. istog Zakona.

Obzirom da je odredbom člana 63. stav 2. Zakona o sudovima u Federaciji Bosne i Hercegovine propisana obaveza svih sudova da podnose godišnji izvještaj o radu, to Kantonalni sud u Goraždu podnosi sljedeći izvještaj o radu za proteklu godinu.

I ORGANIZACIJA SUDA

Pravilnikom o unutrašnjoj organizaciji suda broj 005-0-Su-06-000 080 od 30.03.2006. godine i njegovim izmjenama i dopunama broj 005-0-Su-15-000 107 od 10.12.2015. godine i broj : 005-0-Su-21-000128 od 09.08.2021. godine u sudu su ustanovljene dvije organizacione jedinice: Organizaciona jedinica sudija koju čini četvoro sudija od kojih je jedan predsjednik suda i Organizaciona jedinica dopunskih poslova osnovne djelatnosti i poslova pomoćne djelatnosti koja prema sistematizaciji radnih mjesta ima ukupno deset namještenika.

Na dan 31.12.2020.godine predsjednica ovog suda otišla je u mirovinu pa je poslove predsjednika suda, po Odluci VSTV BiH broj: 04-07-6-3255-1/2020 od 16.12.2020.godine obavljala, kao vršilac dužnosti predsjednika suda tada jedini nosilac pravosudne funkcije uposlen u ovom sudu Milijana Bjelović koja je ujedno bila zadužena svim neriješenim predmetima sve do 15.02.2021.godine, kada je Kantonalni sud u Goraždu kadrovski popunjen propisanim brojem sudija.

U ovom sudu su nepopunjena radna mjesta za troje namještenika (tehničkog sekretara, vozača-kurira i čistačice).

Sud nema sekretara suda.

Finansijsko-računovodstvene poslove obavljaju zajednički za potrebe Kantonalnog i Općinskog suda u Goraždu jedan namještenik zaposlen u Kantonalnom sudu u Goraždu i jedan namještenik zaposlen u Općinskom sudu u Goraždu.

Poslove kurira u ovom sudu obavljaju namještenici ovog suda po rješenju predsjednice suda koje se donosi na početku svakog mjeseca a ovo sve do popune radnog mjesta kurira.

U aprilu 2019. godine upražnjeno je radno mjesto čistačice, koje do danas nije popunjeno te poslove na održavanju higijene u ovom sudu povremeno obavljaju uposlenice Službe za zajedničke poslove BPK Goražde.

Prema godišnjem rasporedu poslova, koji se donosi za svaku godinu, sudije su u protekloj godini radile na predmetima svih referata iz nadležnosti ovog suda, a predmetima se zadužuju putem CMS -a u jednakim dijelovima.

Predsjednik suda, radi na svim referatima u omjeru norme od 50 % u odnosu na sudije.

U sudu su organizovana stalna vijeća sudija za rad na predmetima.

Kantonalni sud u Goraždu smješten je u zgradi koja je u vlasništvu Bosansko-podrinjskog kantona Goražde i koristi jedan sprat zgrade u kojoj je osim Kantonalnog suda smješteno više organa izvršne vlasti BPK-a Goražde i drugih organizacija. Prostor u kojem je smješten sud nije građen namjenski za potrebe suda što negativno utiče na njegovu funkcionalnost, zbog čega se suđenje u predmetima ratnog zločina obavlja u sudnici Općinskog suda u Goraždu.

Zbog toga što zgradu koristi veći broj institucija, stalno je prisutan problem održavanja zgrade jer svake godine u više navrata krov prokisne i poplavi prostorije suda.

Kantonalni sud se finansira iz budžeta Bosansko-podrinjskog kantona Goražde. U protekloj godini Kantonalni sud u Goraždu je sačinio prijedlog budžeta u skladu sa Smjernicama VSTV BiH na koji je dobio saglasnost VSTV BiH, ali isti nije usvojen u predloženom iznosu, niti je za njegovu izmjenu poštovana procedura propisana odredbom člana 68.-71. Zakona o sudovima u Federaciji Bosne i Hercegovine. Osim toga, Ministarstvo za finansije BPK-a Goražde za raspolaganje usvojenim budžetom uvelo je praksu da za svaki nalog traži osim potpisa ovlaštenog predsjednika suda i potpis ministra za pravosuđe, zbog čega sud nije mogao raspolagati budžetom samostalno.

U toku 2021. godine sve sudije i većina zaposlenika nisu bili odsutni sa posla u dužem vremenskom periodu zbog bolovanja ili drugog opravdanog odsustva, tako da su svoje poslove mogli obaviti blagovremeno i efikasno.

II REZULTATI RADA

Rezultati rada Kantonalnog suda u Goraždu za prethodnu godinu u odnosu na broj primljenih, riješenih i neriješenih predmeta slikovito su prikazani na sljedećoj tabeli:

1) PROTOK PREDMETA PO REFERATIMA

KRIVIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
K	0	0	0	0
Kv	0	1	1	0
Kpp	0	0	0	0
Kps	1	0	0	1
Kvl	0	0	0	0
Kž	0	12	12	0
Mpom	0	1	1	0
UKUPNO	1	14	14	1

PREKRŠAJNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Pžp	0	10	10	0

PARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Gž	0	46	46	0
Rsž	0	17	17	0
Mož	0	1	1	0
UKUPNO:	0	64	64	0

PRIVREDNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Pž	0	8	8	0
UKUPNO	0	8	8	0

IZVRŠNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Gži	0	11	11	0
Rsži	0	3	3	0
UKUPNO	0	14	14	0

UPRAVNI REFERAT :

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
U	0	182	181	1
Uvl	0	1	1	0
Uvp	0	1	1	0
Razno	0	1	1	0
UKUPNO:	0	185	184	1

VANPARNIČNI REFERAT i SUDSKA UPRAVA:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
V	0	5	5	0
Su-Ap	0	11	11	0
UKUPNO	0	16	16	0

U Kantonalnom sudu u Goraždu na dan 31.12.2020.godine ostao je jedan neriješen Kps predmet ratni zločin protiv civilnog stanovništva iz razloga što je optuženo lice nedostupno pravosudnim organima.

Po svim referatima ovaj sud je, u izvještajnom periodu, primio ukupno 313 predmeta, tako da je u radu imao ukupno 314 predmeta, od kojih je riješeno ukupno 312 predmeta, a ostac je neriješen 1 predmet Kps zbog krivičnog djela Ratni zločin protiv civilnog stanovništva iz člana 173. stav 1. tačka c) u vezi sa članom 180. stav 1. Krivičnog zakona Bosne i Hercegovine u kojem je optuženi nedostupan jer se nalazi na teritoriji Republike Srbije i jedan predmet upravnog spora koji je zaprimljen u sudu 26.12.2021.godine.

Među primljenim predmetima nije bilo krivičnih predmeta korupcije ili organizovanog kriminala.

Kada se upoređuju pokazatelji o prilivu predmeta u odnosu na 2020. godinu, kada je primljeno ukupno 166 predmeta, može se zaključiti da je priliv predmeta u 2021.godini bio znatno uvećan.

Kantonalni sud u Goraždu je za tri kvartala (drugi, treći i četvrti) uradio Plan rješavanja predmeta i isti su izvršeni 100 % jer su svi predmeti iz planova riješeni. U rješavanju predmeta u svim predmetima je poštovan optimalni i predvidivi rok.

U krivičnim i prekršajnim predmetima koji su bili u radu i koji su riješeni u prethodnoj godini nije bilo niti jednog predmeta u kojem je nastupala zastara vođenja postupka.

Sudije Kantonalnog suda u Goraždu su Odlukom VSTV BiH delegirani za rad na rješavanju starih neriješenih predmeta drugostepenog parničnog referata u Kantonalni sud u Sarajevu i od 15.04.2021. godine do 31.12.2021. godine su uradili ukupno 220 predmeta. Ovakav način saradnje između sudova je pozitivan i u skladu sa ciljevima reforme pravosuđa.

Kolektivna norma Kantonalnog suda u Goraždu je 45,01 %.

Nijedan sudija nije ostvario 100 % normu jer sud nije primio dovoljan broj predmeta kako bi sudije mogle ostvariti orijentacionu normu, ali su završili sve primljene predmete, tako da je sud potpuno ažuran.

2) KVALITET RADA

Kvalitet rada Kantonalnog suda u Goraždu prikazan je na sljedećoj tabeli:

Vrsta predmeta	Broj donesenih odluka na koje se može izjaviti pravni lijek	Broj potvrđenih odluka	Broj preinačenih odluka	Broj preinačenih odluka nakon održanog pretresa	Broj ukinutih odluka
Gž	38	2	0	0	1
Pž	7	2	1	0	0
Rsž	17	1	0	0	1
Kv	1	0	0	0	0
Kž	12	0	0	0	0
U	119	1	2	0	0
Ostali	4	1	0	0	0
UKUPNO:	198	7	3	0	2

Kvalitet rada na svim predmetima je 87,25 % .

Takođe je važno napomenuti da je u postupku po apelacijama pred Ustavnim sudom Bosne i Hercegovine u 2021. godini bilo 11 predmeta, od kojih je jedna apelacija odbijena a jedna usvojena, a za ostalih 9 predmeta postupak je u toku.

3) ZAKLJUČNA ZAPAŽANJA O RADU SUDA

Izveštaj o radu Kantonalnog suda u Goraždu za 2021. godinu razmatran je na kolegiju svih sudija i ocijenjeno je da je sud odgovorno i kvalitetno obavljao zakonom utvrđene poslove, da je kao najviša instanca sudske vlasti u Bosansko-podrinjskom kantonu Goražde osigurala svim građanima jednak pristup pravdi u skladu sa zakonom i najvećim standardima zaštite ljudskih prava i sloboda te je u zakonskim rokovima efikasno rješavao sve predmete pred ovim sudom.

Sud je radio profesionalno, poštovao je zakonske rokove u radu na svim predmetima, na njegov rad nisu isticane primjedbe i kao bitnim se cijeni da je zadržao ažurnost u radu i kvalitet odluka.

III INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA BiH

Kroz redovno informisanje od strane savjetnika za prevenciju seksualnog i rodno zasnovanog uznemiravanja u Kantonalnom sudu u Goraždu predsjednica suda ima saznanja o svim poduzetim radnjama vezanim za provođenje Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine .

U 2021.godini nije bilo ni pismenih niti usmenih zahtjeva na osnovu kojih bi savjetnik za prevenciju seksualnog i rodno zasnovanog uznemiravanja pokrenuo internu proceduru za preventivno djelovanje. Iz navedenih razloga imenovani savjetnik nije podnosio pismene


izvještaje predsjednici suda sa pregledom stanja u vezi sa prevencijom seksualnog i rodno zasnovanog uznemiravanja unutar ove institucije kako je to određeno odjeljkom III tačka 3.6. Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine.

IV PLANIRANE MJERE ZA POBOLJŠANJE STANJA U SUDU

Kvalitet rada suda ogleda se prevashodno kroz kvalitet sudskih odluka, u smislu njihove zakonitosti, razumljivosti i provodivosti. Jedan od osnovnih elemenata kvaliteta rada suda ogleda se u provjeri zakonitosti odluka od strane nadređenog suda. U cilju povećanja kvaliteta rada suda, odnosno smanjenja broja ukinutih i preinačenih odluka, sud će raditi na individualnoj i kolektivnoj edukaciji sudija kroz redovne vidove edukacija koje se organizuju od strane CEST-a F BiH. Sud će posebnu pažnju posvetiti analizi odluka Vrhovnog suda Federacije BiH i Ustavnog suda BiH koje se objavljuju putem Centra za sudsku dokumentaciju i internet portala navedenih sudova.

Ovaj sud želi osigurati da ova pravosudna institucija najvećim dijelom bude orijentisana na još kvalitetnije zadovoljenje potreba građana na način što će se u okviru procesa planiranja uzeti u obzir sve informacije prikupljene iz različitih izvora vezano za kvalitet pruženih usluga u ovom sudu.

Planom će se obuhvatiti i osiguranje boljih uslova za rad sudija i ostalih uposlenika u sudu kroz adaptaciju i rekonstrukciju zgrade suda te kroz znavljanje informatičke opreme. U ovom dijelu moguće su određene poteškoće vezano za osiguranje novčanih sredstava obzirom da se nekoliko godina unazad ne izdvajaju sredstava za ove namjene a ovaj sud ih redovno ističe kroz prijedloge budžeta.



PREDSJEDNICA SUDA:

Milijana Bjelović